

Newspaper	UTUSAN MALAYSIA
Date	19 FEBRUARY 2015



NAJIB TUN RAZAK dan isteri, Rosmah Mansor menerima kunjungan bekas Presiden Indonesia, Susilo Bambang Yudhoyono (kiri) dan isteri, Ani Yudhoyono (tengah) di Seri Perdana, Putrajaya, semalam. - BERNAMA

Najib terima kunjungan Susilo *um - 19/2/2015*

KUALA LUMPUR 18 Feb. - Perdana Menteri, Datuk Seri Najib Tun Razak hari ini menerima kunjungan bekas Presiden Indonesia, Susilo Bambang Yudhoyono di Seri Perdana, Putrajaya.

"Kami sempat berbual mengenai banyak perkara, dan beliau turut menyampaikan jemputan kepada saya untuk menghadiri sidang ke-

muncak Global Green Growth yang akan berlangsung Julai depan, insya-Allah," kata Najib di laman Facebook beliau malam ini.

Menurut laman web institut itu, Susilo kini merupakan Pengerusi Institut Global Green Growth (GGGI), sebuah pertubuhan antarabangsa khusus untuk menyokong dan menggalakkan pertumbuhan

ekonomi yang kukuh, inklusif dan lestari di negara-negara membangun dan ekonomi baru muncul.

Sidang kemuncak itu dijadual berlangsung di Bali, Indonesia Julai ini.

Dalam pertemuan itu, Najib disertai isteri, Datin Seri Rosmah Mansor bagi menerima kunjungan Susilo dan isteri, Ani Yudhoyono.

- BERNAMA